



Komisija za izbor i imenovanja i administrativna pitanja

Na osnovu čl. 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 64. stav (2) Zakona o unutrašnjim poslovima Kantona Sarajevo ("Službene novine Kantona Sarajevo", broj: 1/16, 26/19, 31/19 i 39/20), člana 2. Odluke o standardima i kriterijima za imenovanje članova Odbora za žalbe javnosti („Službene novine Kantona Sarajevo“, broj: 40/19) i člana 37. Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13 i 47/15, 48/16, 9/20, 14/20, 16/22 i 17/22-Ispravka), Komisija za izbor i imenovanja i administrativna pitanja Skupštine Kantona Sarajevo, objavljuje

JAVNI OGLAS ZA IMENOVANJE ODBORA ZA ŽALBE JAVNOSTI SKUPŠTINE KANTONA SARAJEVO

I NAZIV POZICIJE

Objavljuje se javni oglas za imenovanje Odbora za žalbe javnosti Skupštine Kantona Sarajevo (u daljem tekstu: Odbor) i to:

1. Predsjedavajući Odbora (x1),
2. Član Odbora (x4).

II OPIS UPRAŽNJENE POZICIJE

Odbor je nezavisno tijelo Skupštine Kantona Sarajevo. Članovi Odbora su predstavnici građana i biraju se iz reda istaknutih stručnjaka iz oblasti pravih, kriminoloških, kriminalističkih i sigurnosnih nauka, sa najmanje pet (5) godina radnog staža nakon sticanja visoke školske spreme, a predsjedavajući Odbora mora imati najmanje deset (10) godina radnog iskustva na pravnim ili kriminalističkim poslovima. Sastav Odbora odražavat će nacionalni sastav stanovništva na teritoriji koju obuhvata Kanton Sarajevo prema popisu stanovništva iz 1991. godine, te će se voditi računa o spolnoj zastupljenosti.

Imenovanje Odbora izvršit će Skupština Kantona Sarajevo, na prijedlog Komisije za izbor i imenovanja i administrativna pitanja Skupštine Kantona Sarajevo.

Odbor je nadležan za obavljanje sljedećih poslova: a) prima, razmatra, procjenjuje i prosljeđuje žalbe na rad policijskih službenika Uprave policije izjavljenih od građana, pravnih lica i drugih subjekata; b) prati, nadzire predmete i interni postupak koje provodi Jedinica za profesionalne standarde i obavještava građane o ishodu postupka; c) prati i nadgleda izvršenje disciplinskih sankcija izrečenih od nadležnih disciplinskih tijela i provođenje tih disciplinskih sankcija kako bi se osigurala pravičnost i dosljednost, kao i svrha kažnjavanja; d) na osnovu izvještaja Jedinice za profesionalne standarde vodi evidencije i baze podataka o žalbama građana i rezultatima istrage na osnovu kojih je pokrenut disciplinski, prekršajni ili krivični postupak; e) prati i nadgleda je li Jedinica za profesionalne standarde dostavila izvještaj nadležnom tužilaštvu u slučaju kada postoji osnovana sumnja da se radi o krivičnom djelu; f) inicira provođenje internog postupka protiv istražitelja Jedinice za profesionalne standarde ili zaduženog istražitelja zbog zloupotrebe ili

zapoštljanja internog postupka; g) vrši nadzor nad ostvarivanjem nezavisnosti u radu Jedinice za profesionalne standarde koji se odnosi na pokrenuti interni postupak; h) dostavlja Nezavisnom odboru pritužbe koje se odnose na rad policijskog komesara; i) priprema i podnosi godišnji izvještaj o svom radu Skupštini Kantona; j) obavještava javnost o svom radu; k) donosi poslovnik o svom radu; l) može da traži reviziju po određenim predmetima o čemu će obavijestiti Komisiju za sigurnost; m) obavlja i druge poslove propisane zakonom i podzakonskim propisima.

III OPĆI USLOVI

Kandidat za imenovanje na poziciju predsjedavajućeg i člana Odbora dužan je ispunjavati sljedeće opće uslove:

- a) da je državljanin Bosne i Hercegovine i Federacije BiH;
- b) da je stariji od 18 godina;
- c) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja ovog javnog oglasa;
- d) da se na kandidata ne odnosi odredba člana IX 1. Ustava Bosne i Hercegovine.

IV POSEBNI USLOVI

Pored općih uslova iz tačke III, kandidat mora ispunjavati i sljedeće posebne uslove:

- a) ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spremlje, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za kriminalistiku, kriminologiju i sigurnosne studije, ili fakultet političkih nauka-odsjeak sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke, najmanje pet godina radnog staža u struci u ovim oblastima nakon sticanja visoke školske spremlje, a predsjedavajući deset godina radnog staža u struci nakon sticanja visoke školske spremlje;
- b) nije član političke stranke;
- c) nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- d) nije bio član izvršnog ili zakonodavnog tijela na bilo kojem nivou vlasti u Bosni i Hercegovini;
- e) nije osuđivan za krivično djelo;
- f) da se protiv njega ne vodi krivični postupak;
- g) da mu nije izrečena disciplinska sankcija za teže povrede službene dužnosti;
- h) nije aktivan policijski službenik.

V MANDAT I DRUGI USLOVI

Odbor se imenuje na mandatni period od četiri (4) godine.

Predsjedavajući i članovi Odbora imaju pravo na mjesečnu naknadu za svoj rad, čiju visinu utvrđuje Komisija za izbor i imenovanja i administrativna pitanja Skupštine Kantona Sarajevo.

Konkursnu proceduru izbora i imenovanja Odbora, provodi Komisija za provođenje Javnog oglasa za imenovanje Odbora za žalbe javnosti Skupštine Kantona Sarajevo.

Svi kandidati koji budu ispunjavali opće i posebne uslove javnog oglasa bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjuja. Skupština Kantona Sarajevo osigurat će da se izvrše javne objave konačnog imenovanja na upražnjenu poziciju.



Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom. Prigovor se podnosi Komisiji za izbor i imenovanja i administrativna pitanja Skupštine Kantona Sarajevo, a kopija se dostavlja Ombudsmenu za ljudska prava Bosne i Hercegovine.

VI POTREBNA DOKUMENTACIJA

Kandidati su dužni, uz prijavu na javni oglas, priložiti sljedeće dokumente:

- a) biografiju sa adresom i kontakt telefonom;
- b) uvjerenje o državljanstvu (ne starije od 6 mjeseci);
- c) izvod iz matične knjige rođenih;
- d) diploma ili uvjerenje o završenoj školskoj spremi;
- e) uvjerenje/potvrdu o radnom stažu (ne stariju od 6 mjeseci);
- f) izjavu da kandidat nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije ili izjavu da nije radio u državnoj službi;
- g) izjavu da se na kandidata ne odnosi odredba člana IX 1. Ustava Bosne i Hercegovine;
- h) izjavu da nije član političke stranke;
- i) izjavu da nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- j) izjavu da nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
- k) izjava-saglasnost (ovjerena od strane nadležnog organa) da Komisija po službenoj dužnosti pribavi uvjerenje da kandidat nije osuđen za krivično djelo i uvjerenje da se protiv kandidata ne vodi krivični postupak, a izuzetno, kandidati za koje nije moguće po službenoj dužnosti pribaviti navedena uvjerenja će biti posebno kontaktirana u cilju pribavljanja istih;
- l) izjavu da mu nije izrečena disciplinska sankcija za teže povrede službene dužnosti;
- m) izjavu da nije aktivni policijski službenik.

Uvjerenja iz tačke IV, podtačke f) i g) Komisija će pribaviti po službenoj dužnosti samo za izabrane kandidate.

VII PODNOŠENJE PRIJAVE

Javni oglas će biti objavljen u „Službenim novinama Federacije BiH“ i dnevnom listu „Oslobođenje“, kao i na web stranici Skupštine Kantona Sarajevo. Rok za dostavljanje prijava je 15 (petnaest) dana od dana objavljivanja javnog oglasa u „Službenim novinama Federacije BiH“.

Prijavu na javni oglas sa svim traženim dokumentima potrebno je dostaviti lično ili preporučenom poštom u zatvorenoj koverti, na adresu:

Skupština Kantona Sarajevo
Komisija za provođenje Javnog oglasa za imenovanje Odbora za žalbe javnosti
Skupštine Kantona Sarajevo
ul. Reisa Džemaludina Čauševića broj 1, 71000 Sarajevo
sa naznakom: “Prijava na javni oglas za imenovanje Odbora za žalbe javnosti Skupštine
Kantona Sarajevo-NE OTVARATI“

Nepotpune i neblagovremene prijave neće se uzeti u razmatranje.

Predsjedavajući Komisije za izbor i imenovanja
i administrativna pitanja
Elvedin Okerić s.r.

Broj: 01-04-50052/24
Sarajevo, 07.11.2024.godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>, E-mail: skupstina@skupstina.ks.gov.ba